

Papplerei in der Schager Strooß

"Gutmorjet Resi! Hascht schun die letschti Neijichkeit gheert, was uns Deitschi, die wu mer noch dogeblieb sin, anbelangt?"

"Mach mer kenn Ängschter! Des kann nix Gutes heesche Mari!"

"Ich sin perplex geblieb! Stell der vor: Mei Freindin es Lissi, des wu in Fratelia wohnt, hat e Brief kriet vum Bundesverwaltungsamt in Friedland..."

"Des Bundesverwaltungsamt, des is doch in Köln..."

"Gewenn mei Liewes. Gewenn. Jetz is es in Friedland. Un in dem Schreiwes steht schwarz uf weiss, dass es Lissi nochmol bewaise muss, dass es als Volksdeitschi do im Banat benachteilicht is gin!"

"So e Bleedsinn Mari. Ja hat dei Freindin dann ke RU-Nummer? Unser Johrgäng, mir ware doch immer eschtimiert. Gar ke Red vun benachteilicht! Benachteilicht, des ware halt unser Eltre, die wu uf Russland un in de Baragan verschleppt gin sin!"

"Natierlich hats die RU-Nummer! Seider 1994. Un sei Kiner, sei ganzi Verwandschaft lebt schun in Deitschland. Jetz hats de Schlamass! Ich han jo schun immer gsaat, schau mer dass mer wechkomme, solange des noch geht! Jetzer hucke mer do un kenne bloose!"

"Die behaupte doch immer, die dort driwe, in ihre gschwollene Rede, dass es Tor ufbleiwe werd!"

"E Dreck saan ich der! Des Tor, des hat anfang zu quärkse schun gleich noh 1990. E bissl han se' s noch geelt un jetz is es am Zuschlaan, des sin ich mer gewiss! Zu is zu! Des war`s!"

"Du jascht mer Ängschter in! Mir han die RU-Nummer doch aa in der Schublad leije. Han se erscht 1992 kriet. For alli Fäll! Zur Sicherheit! Dass mer, wann mer ke anre Auswech wisse, aa unser Bindl zampacke un uf Deitschland kenne!"

"Ich men, de letschte Zug is längscht abfahr! Gephiff hat er schun vor Johre!"

"Des heert sich alles so gschwoll an? Menscht, dass die dort in Deitschland wirklich die Nas voll han vun uns un de Narre mit uns mache, un uns des Tor vor der Nas zugschlaa han?"

"Ich han mit meim Ionje gered, mir sitze uns uf un fahre! Sicher is sicher! Fortjaan were se uns jo nit! Sowieso sitze mer schun im Schragl un mit der Pension werds hapre, weil der nitdeitschi Ehepartner kriet jo ke Rente in dem Deitschland, der muss mit Sozialzuschuss zufriede sin. Ich han mer verzähle gelosst, dass die nix me wisse wille vun uns Schwoweleit!"

"Mensch?"

"Ich sin mer fascht sicher! Alles schaut dernoh aus, dass es noh de deitschi Gsetzer iwerhaupst ke Deitschi me do im Banat gibt!"

„Misse mer noch vill miterlewe? Ich han gement, es is Ruh, mir kenne akar wann immer unser Kupfer packe un je uf Deitschland – wanns halt do nimi zum Aushalle is....!“

„Ja mei Liewes, menne is ens, doch schaut die Wirklichkeit ganz annerscht aus!“